


資陽縣志

首卷 首卷三

461280-157

37

1:1-100



資陽縣志叙

資陽令范和易明府脩資陽縣志初成丐叙於予予畧讀之竊歎其體例謹嚴簡明歟括其於天文志則從畧而以疆域志冠諸志之首凡關隘險要山川形勢道途出入獨加詳焉分三圖紀載發凡起例與舊志彼此異

資陽縣志

趙序

同讀竟慨然曰有心哉得地志之所以為志者也夫蜀為天下巖疆其設險多在四邊夔巫劍閣天生門戶成都居蜀之心腹沃野千里一片平洋無險可據其東有蟠龍山綿蜒橫互為成都之關鍵屬在簡州而資陽則當簡州之下游臂指昆連其所誌之



關隘險要山川形勢道途出入者實
與蟠龍山呼吸相通脈絡相貫耳也
然則資陽之志豈僅志資陽歟昔漢
蕭相國入秦先收秦圖籍其所圖籍
者或以為古之秘書夫三代典墳盡
付秦火書種云亡焉能言秘當時之
圖籍亦不過如今之郡縣志耳而相

資陽縣志

趙序

二

國之汲汲收此者以沛公初入關中
凡關隘山川道途多所未詳得此則
指掌瞭如矣今之脩志者文藻為工
每以其細瑣畧之而所脩者其弊有
六文獻無稽挂一漏萬失之陋博引
煩徵牽強附會失之文揚厲鋪張連
篇累牘失之多剪裁無當草率苟且

失之少摸稜敷衍隨聲附和失之同
狂心謾舌好為矯情失之異律以六
弊世安有良志哉王漁洋曰近世志
書文簡事覈訓詞爾雅莫如王漢陂
之鄆志呂涇野之高陵志韓五泉之
朝邑志胡可泉之秦志趙浚谷之平
涼志孫立亭之富平志張光孝之華

資陽縣志

趙序

三

志然此數志者皆為秦志數子者又
為秦人率皆仿康對山之武功志本
嗟乎武功七志亦有地理而無天文
者也明府真得對山之心矣夏書禹
貢開後世地志之先聲畫以九州其
於物產貢賦統於各州之內不設專
門是歆以疆域賅諸志矣厥後分之

以導水合之以計里結之以東漸西
被何莫非始終一疆域意歟人知仿
武功人奈何不仿禹貢哉時東道多
事間客有自資中至者云滇匪竄資
中者三相持於資中之蘇灣者九十
日資陽以上知以扼要設備相安於
無事者謂皆得此書之力為多云是

資陽縣志

趙序

四

為叙

咸豐十一年歲次辛酉蒲月既望
四川候補道署理成綿龍茂兵備道
兼署按察使司嶺南趙友泰



叙

書而曰志何謂也古者輜軒之採彙有成
書或志其事志其人志其地志其物所以
備一省之採葺昭千古之文明而寔為仁
民成俗之本者也丁巳春余奉

命出莅以南凡各屬均以志書遺公餘取閱
一過其間山川土物風俗人文莫不在

資陽縣志

陳序

可舉誠徵文攷獻之資也今秋道出資陽
適范和易大令以脩志甫成問叙于余二
細加披讀首地理且迄雜志及版圖賦稅
人物等類較諸志為尤詳夫資陽為禹貢
梁州之域漢始改為資中按其地不過彈
丸之區耳然徵舊蹟考遺文如歷代名臣
昔賢故里猶可據者是在稽古之士之勤

為蒐討也雖然余嘗觀古人之書或紀其
事而闕其人或存其名而遺其地使後之
披覽者徒唏噓俯仰彙采棄由目不得睹
其全為憾而是志也刪訂於十數年之間
彙成於諸君子之手參互攷訂起例提綱
其義其辭實有關人心雜風仁之美意使
僅以文藝例之抑猶末矣後之治斯邑者

資陽縣志

陳序

二

閱其地可曰知風教之淳觀其文可曰見
人材之盛則是志也亦仁民成俗之一助
也夫是為叙

咸豐十年歲次庚申十月下澣

賜進

士出身前戶科給事中四川分巡永寧道

署全省按察使司山左陳枚



序

古之國都有史今之郡縣有志
其所以詳記載而備參考者一
也我

朝典章彪炳文物光昭凡省郡州縣
各有成書豈資邑而獨不考獻

資陽縣志

恆序

三

國史

徵文以供

之採而增邑乘之光也乎粵稽
蜀中山川形勢次及資陽五臺
簪翠二水流青帶九曲之滌洄
抗雙峯之挺峙老岵山峻道德
之厓岸誰攀宣聖溪深文學之

淵源可溯且也訪葺宏故里猶
想見輸忠延祚之心登諫議層
臺尚傳間聖主賢臣之頌董氏
通儒文章望重支家孝子德行
名高他如陶鎔有節婦慈孝兩
全楊冕號逸翁利名悉浚推之

星野輿圖山川田賦人材物產
故實詞章美不勝收至今猶得
諸父老傳聞者是誰力與則資
陽志之所關鉅也 乾隆三十
年乙酉張明府慕渠謀於兩學
博暨都人士延老成名宿發凡

起例叅之鴻篇蠹簡攷以斷碣
殘碑闕者補之訛者正之又於
公事之暇手自批閱汰繁刪蕪
總其大綱而釐訂之迨至嘉慶
丁丑宋明府長洲捧脩志之檄
又延邑之陳孝廉來儀互相校

正微長必錄片善胥登以仰體
大府善善從長之意而利導
末俗向善之忱此資陽志原序
所由作也迄今遑遑數十年時
異勢殊棗梨剝蝕一切事實紀
載不無罣漏之虞明府范君

和易復敷請名儒宿學相與遠
紹彜搜修明補訂其既經採錄
者修繕焉而朗若列眉即未經
增輯者亦補葺焉而瞭如指掌
此固非鋪張揚厲為也蓋冀編
入通志將以贊

聖天子文治之光華焉耳庚申夏中
編次告竣以余典資郡以於邑
之要典間見綦詳因索序於余
是時余庖代涇南地衝役繁無
以鄰氛猝起籌防孔急講武備
猶恐不遑奚暇焉及於文事然

以屬邑志乘闕情不能不於羽
書焉午之餘畧弁數言於簡端
以識雪泥鴻爪之義云爾是為
序

時咸豐歲在庚申夏中
特用道四川候補知府署瀘州

資陽縣志

四序

七

事資州直隸州知州長白覺
羅恒保拜誥



重脩資陽縣志序

崇己未秋多權篆資州下車伊始慨然以興廢
舉廢云邑任顧滇事方亟昕夕不遑越明年寇
踞井城率勇馳援解圍後即公憂去官維時逆
氛密邇屬邑震動戎馬倥傯更無暇他及資陽
范明府纂脩邑志已竣屬余序以弁簡端伏惟戒
國家累洽重熙風同道一有郡州縣之有志踵而葺之

資陽縣志

董序

凡搦風之權者激文致獻道固宜然惟時方又安賢
有司從之展布憲贊太守以彰同文整治此事誠不
敢後固至多故之秋激兵籌餉死挽頻仍雖諳練之
才夙膺繁劇蓋憂之手其難之而明府顧分力於是
抑何展布之優也揮書旁午繙閱一周其簡明核
洽體例謹嚴較前編完善中庸贊述獨思明府方
以連橫之策敵為時事策治安 大府特之通飭全蜀

奉行廿六彈心于武備固先務之急未幾寇薄州境邑
寔唇上函且為進省衝要嗣府多方聯絡塞夷庚作
犄角之援過寇不得上力幾瘁矣而邑志之脩決
不因此而中止於戲

朝廷簡以任能期得文武為優者要以司牧重寄
常則學校農桑俾風俗醇茂以幾於生安則禦
災捍患莫學風雀桴鼓之驚九邑志之考則又鉅

資陽縣志

董序

典所闡國史所采而為我

朝一代文明之治之治由潤色也明府任蜀寇久隄以邦
已歷十年諸善政難枚舉都人咸碑頌之今考
鉛槧以勝干戈之象戎馬而餘絃誦之風蓋迥異
手風塵似支僅以簿書期會足長者洵非文武
蓋優能勿負

聖天子簡以任能也他日編登有志備采輜軒成戒

國家億萬年不朽掌故所記有傳人其古傳者五矣
 即是歟故邑故古資中地山川靈泚代鍾偉人
 固甚以漢王褒忠孝文孝彪史冊下逮唐宋元
 明賢哲薈萃出者讀此而奮興之即明符纂
 脩之志亦即余之所以厚此于庶窮者也
 咸豐十年歲次庚申十二月前署資州直隸州知
 州陽湖董貽清謹序

資陽縣志

董序

三



重脩資陽縣志畧

資中鳳山毓秀鴈水鍾靈先賢如東周萇宏西漢王褒東漢董鈞其最著者厥後繼起代有偉人載在邑乘昭若日星惟前志起壬申迄丁丑歷今四十餘載中地方之忠孝節義文經武緯并歷任官流風善政湮沒不彰

殊為缺陷道光己酉秋予補斯邑孜孜業業其於地方之學校城垣衙署倉儲祠宇橋梁義渡道路廢弛者隨時修葺之未經舉行者次第經營之前後七年補偏救敝稍有端倪去秋大熟邑人士以脩縣志請予聞喜曰善哉斯舉予早有志未逮也諸紳旣

見及此予當為之籌經費焉但志之為書務據實情不尚鋪張凡忠臣義士孝子節婦善行美舉必真有可傳然後筆之於書官師政事亦必實有關於世道利乎生民曾經稟諸上臺永作地方成憲者無妨秉筆直書而弗事粉飾為也諸紳果體予意循名

責實考較再三所載皆實行實事全無摹稜開局於己未首夏庚申冬竣事剖劂氏亦告成功掛漏之虞猶所不免敬以俟後之博雅君子云

咸豐十年十二月朔

欽

加運同銜四川即用知州

奏署資

州直隸州知州事資陽縣知縣易